

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ
N ՇՄՆ-ԴՇ-23/05**

ք.Երևան

«16» «01» 2023թ.

Շրջակա միջավայրի նախարարությունը, ի դեմս գլխավոր քարտուղար **Գ.Գուլյանի** (այսուհետ՝ Պետական մարմին), որը գործում է Պետական մարմնի կանոնադրության հիման վրա, մի կողմից, և **«Արգելոցապարկային համալիր» պետական ոչ առևտրային կազմակերպությունը**, ի դեմս տնօրեն **Լ.Գաբրիելյանի** (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ Որոշում), **«Արգելոցապարկային համալիր ԲՀՊ տարածքների պահպանության, գիտական ուսումնասիրությունների, անտառտնտեսական աշխատանքների կատարում»** ծրագրային միջոցառման՝ բաժին 05, խումբ 04, դաս 01, ծրագիր 1155, միջոցառում 11006 (այսուհետ՝ Ծրագիր), իրականացման նպատակով կնքեցին Պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

- 1.1. Պայմանագրով Պետական մարմինը պարտավորվում է Ծրագրի իրականացման նպատակով Կազմակերպությանը հատկացնել Որոշմամբ նախատեսված՝ մինչև **185 280 700 (մեկ հարյուր ութսունհինգ միլիոն երկու հարյուր ութսուն հազար յոթ հարյուր) ՀՀ դրամ** գումար, իսկ Կազմակերպությունը պարտավորվում է Ծրագիրն իրականացնել Որոշմամբ և Պայմանագրով սահմանված կարգով: Պայմանագրի գինը ներառում է ԱԱՀ-ի գումարը:
- 1.2. Ծրագրով նախատեսված Կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են Պայմանագրի Հավելված N¹-ում:

2. Կողմերի իրավունքները և պարտավորությունները

- 2.1. **Պետական մարմինն իրավունք ունի՝**
 - 2.1.1. Ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.
 - 2.1.2. Որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատուց վերացման ողջամիտ ժամկետ, և Կազմակերպությունից պահանջելու վճարել Պայմանագրի 5.2 կետով նախատեսված տուգանքը.
 - 2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝
 - ա) Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,
 - բ) Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),
 - գ) իրականացված միջոցառումները չեն համապատասխանում ծրագրով սահմանված պահանջներին.
 - 2.1.4. Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:
- 2.2. **Կազմակերպությունն իրավունք ունի՝**
 - 2.2.1. իրականացված միջոցառման արդյունքը Պետական մարմնի կողմից ընդունվելու դեպքում պահանջելու վճարել իրեն հասանելիք գումարը.
 - 2.2.2. Պետական մարմնի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները:
- 2.3. **Պետական մարմինը պարտավոր է՝**
 - 2.3.1. ծրագրով նախատեսված դեպքերում աջակցել Կազմակերպությանը.
 - 2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.
 - 2.3.3. իրականացնել ծրագրով նախատեսված այլ աշխատանքներ.
 - 2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 10 (տասը) աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և Պայմանագրի պահանջներին, ապա դրանք ընդունվում են: Ընդ որում, Պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը:
- 2.4. **Կազմակերպությունը պարտավոր է՝**
 - 2.4.1. իրականացնել ծրագրի շրջանակներում Պետական մարմնի կողմից տրամադրված գումարների հաշվառումը հաշվապահական հաշվառման վարման Հայաստանի Հանրապետության օրենսդրությանը համապատասխան.
 - 2.4.2. Պայմանագրով նախատեսված ֆինանսական միջոցներն օգտագործել ծրագրով և (կամ) Պայմանագրով սահմանված նպատակներով ու չափաքանակներով.

- 2.4.3. կատարել Պետական մարմնի կողմից բացահայտված թերությունների վերացման նպատակով տրված ցուցումները.
- 2.4.4. Պետական մարմնին ներկայացնել միջոցառումների իրականացման մասին աճողական հաշվետվություններ հաշվետու եռամսյակին հաջորդող ամսվա մինչև 5-ը, իսկ 4-րդ եռամսյակին՝ մինչև դեկտեմբերի 15-ը, իսկ ծրագրի ավարտից հետո՝ 20-օրյա ժամկետում ամփոփ հաշվետվություն.
- 2.4.5. Պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.
- 2.4.6. Պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.
- 2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգը, Պայմանագրի արդյունքների հանձնման և ընդունման կարգը

- 3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:
- 3.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:
- 3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:
- 3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:
- 3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:
- 3.6. Պայմանագրի արդյունքն ընդունվում է Պետական մարմնի և Կազմակերպության միջև երկկողմ ստորագրված և հաստատված փաստաթղթով՝ հանձնման-ընդունման արձանագրությամբ (Հավելված N°3), նշելով փաստաթղթի կազմման ամսաթիվը:
 Պայմանագրի 2.4.4 կետով նախատեսված ժամկետում Կազմակերպությունը իրականացված միջոցառումների հաշվետվության հետ Պետական մարմնին է տրամադրում իր կողմից ստորագրված՝ հանձնման-ընդունման արձանագրության երկու օրինակ:
- 3.7. Հանձնման-ընդունման արձանագրությունը Պետական մարմնի կողմից ստորագրվում է, եթե Պայմանագրի արդյունքը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և հաստատվում: Նման դեպքում Պետական մարմինը՝
 - ա) հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցները.
 - բ) Կազմակերպության նկատմամբ կիրառում է Պայմանագրով նախատեսված պատասխանատվության միջոցներ:
- 3.8. Պետական մարմինը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում Կազմակերպությանն է ներկայացնում իր կողմից ստորագրված և հաստատված հանձնման-ընդունման արձանագրության մեկ օրինակը կամ Պայմանագրի արդյունքները չընդունելու պատճառաբանված մերժումը:
- 3.9. Եթե Պայմանագրի 3.8 կետով սահմանված ժամկետում Պետական մարմինը չի ընդունում Պայմանագրի արդյունքը կամ չի մերժում դրա ընդունումը, ապա Պայմանագրի արդյունքը համարվում է ընդունված և Պայմանագրի 3.8 կետով սահմանված վերջնաժամկետին հաջորդող աշխատանքային օրը Պետական մարմինը Կազմակերպությանն է տրամադրում իր կողմից ստորագրված և հաստատված հանձնման-ընդունման արձանագրությունը:

4. Վճարման կարգը և ժամկետները

- 4.1. Պայմանագրի Հավելված N°2-ով հաստատված, տվյալ եռամսյակին բաժին ընկնող գումարը յուրաքանչյուր ամսվա առաջին 10 (տասը) աշխատանքային օրվա ընթացքում, հավասար մասնաբաժիններով Պետական մարմինը փոխանցում է Կազմակերպության բանկային հաշվին՝ որպես տվյալ եռամսյակի կանխավճար:
- 4.2. Եթե Կազմակերպությունը տվյալ եռամսյակի համար նախատեսված միջոցառումները՝
 - ա) իրականացրել է ամբողջությամբ և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով սահմանված կարգով.
 - բ) ամբողջությամբ չի իրականացրել, ապա կիրառվում է Պայմանագրի 2.1.2 և (կամ) 2.4.6 կետերով սահմանված պայմանները և իրականացված միջոցառումների արժեքի չափով Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, իսկ հաջորդ կանխավճարը վճարվում է չիրականացված միջոցառման չափով պակաս և Պայմանագրի 4.1 կետով սահմանված կարգով.
 - գ) իրականացրել է նախատեսվածից ավելի և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով



սահմանված կարգով, իսկ ավել իրականացված միջոցառման չափով վճարումն իրականացվում է մինչև 2023 թվականի դեկտեմբերի 20-ը, սակայն ոչ ավելի Պայմանագրի 1.1 կետով սահմանված գումարից:

4.3. Պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո՝ Կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2023 թվականի դեկտեմբերի 22-ը:

5. Կողմերի պատասխանատվությունը

- 5.1. Կազմակերպությունը պատասխանատվություն է կրում Պայմանագրով նախատեսված միջոցառումների իրականացման և Պայմանագրի պահանջների պահպանման համար:
- 5.2. Պայմանագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է ստացված ֆինանսական աջակցության գումարները չիրականացված միջոցառման չափով վերադարձնել Պետական մարմնին և վճարել տուգանք՝ պայմանագրի ընդհանուր գնի 0,5 (զրո ամբողջ հինգ տասնորդական) տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Տուգանքը հաշվարկվում է նաև Պայմանագրով նախատեսված միջոցառումները սահմանված ժամկետում իրականացնելու, սակայն Պետական մարմնի կողմից չընդունվելու դեպքում:
- 5.3. Պայմանագրով նախատեսված իրականացման ենթակա միջոցառումների ժամկետը խախտելու, ինչպես նաև Պայմանագրի 2.4.4 կետով նախատեսված հաշվետվությունները սահմանված ժամկետներում չներկայացնելու դեպքերում յուրաքանչյուր ուշացված օրվա համար Կազմակերպությունից գանձվում է տույժ՝ իրականացման ենթակա, սակայն չիրականացված միջոցառման գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Պետական մարմինը Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցում է Կազմակերպությանը վճարման ենթակա գումարներից:
- 5.5. Պետական մարմնի կողմից Պայմանագրի 4.1 կետով նախատեսված ժամկետի խախտման դեպքում Պետական մարմնի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. Պայմանագրի գործողության ժամկետը

- 6.1. Պայմանագրի պայմանները տարածվում են 2023 թվականի հունվարի 1-ից կողմերի միջև ծագած հարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

- 7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և, որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

8. Եզրափակիչ դրույթներ

- 8.1. Հայաստանի Հանրապետության 2023 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները (Հավելված N°2) հանդիսանում է Պայմանագրի անբաժանելի մասը:
- 8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:
- 8.3. Եթե տրամադրվող դրամաշնորհով նախատեսված ծրագիրը և միջոցառումները ենթակա չեն ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները 2023 թվականի ընթացքում ենթակա են վերադարձման Հայաստանի Հանրապետության պետական բյուջե:
- 8.4. Կազմակերպությունը մինչև 2024 թվականի հունվարի 31-ը Պետական մարմնին են ներկայացնում տեղեկատվություն 2023 թվականի պետական բյուջեի միջոցների հաշվին ստացված դրամաշնորհի շրջանակներում հաշվարկված և պետական բյուջե վճարված ԱԱՀ գումարների, ինչպես նաև «Հայաստանի Հանրապետության 2023 թվականի պետական



բյուջե մասին» օրենքի 7-րդ հոդվածի 22-րդ մասի պահանջներին համապատասխան չօգտագործված և ՀՀ պետական բյուջե վերադարձված գումարների վերաբերյալ:

- 8.5. Պայմանագիրը կազմված է 4 (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկ օրինակ: Պայմանագրի Հավելվածներ N№1-ը, 2-ը և 3-ը համարվում են Պայմանագրի անբաժանելի մասը:
- 8.6. Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. Կողմերի հասցեները, բանկային վավերապայմանները և ստորագրությունները

ՊԵՏԱԿԱՆ ՄԱՐՄԻՆ

Շրջակա միջավայրի նախարարություն
ք.Երևան, Կառավարական 3-րդ շենք
ՖՆ գործառնական վարչություն
ՀՀ 900011007805
ՀՎՀՀ 02507198

Շրջակա միջավայրի նախարարության
գլխավոր քարտուղար

Գ. Գուլյան

(ստորագրություն)

Կ.Տ.



ԿԱԶՄԱԿԵՐՊՈՒԹՅՈՒՆ

«Արգելոցապարկային համալիր» ՊՈԱԿ
Կոտայքի մարզ, գ.Ջրվեժ
ՖՆ գործառնական վարչություն
ՀՀ 900018002965
ՀՎՀՀ 00804807

«Արգելոցապարկային համալիր» ՊՈԱԿ-ի
տնօրեն

Լ. Գարրիեյան

(ստորագրություն)

Կ.Տ.



Հավելված Nօ1
« 16 » « 07 » 2023թ. կնքված
Nօ ՇԱՆ-ԴԵ-23/05 պայմանագրի

ՊԵՏԱԿԱՆ ՄԱՐՄԻՆ

Ծրագրի միջավայրի նախարարության

գլխավոր քարտուղար

Գ. ԳՐԻԿՅԱՆ

(ստորագրություն)

Կ.Տ.

ԿԱԶՄԱԿԵՐՊՈՒԹՅՈՒՆ

«Արգելոցապարկային հանավոր» ՊՈԱԿ-ի

լիցենզիայի

Լ. ԳԱՐՐԻՅԱՆ

(ստորագրություն)


Կ.Տ.

ՄԻՋՈՑԱՌՈՒՄՆԵՐ

Իրականացվելիք միջոցառման

NN h/h	անվանումը	Համառոտ բովանդակությունը	Կատարման ենթակա գործառնությունների նկարագիրը	Ակնկալվող արդյունքները և դրանց գնահատման չափանիշները	Վերջնա-ժամկետը	Պահանջվող գումարը (դրամ)
1.	«Արգելոցապարկային հանավոր» ՊՈԱԿ-ի պահպանություն / պաշտպանություն	1. «ԱՊՀ» ՊՈԱԿ-ի տնօրինության ներքո գտնվող տարածքների պահպանություն (23598.7 հա) և աշտպանությունը: 2. Էկոզոոաշրջության զարգացման ուղղված միջոցառումներ	1.1. Պահպանության պաշտպանության իրականացվող միջոցառումներ Խնամքի, քիմիական պայքարի, էտի, ձևավորման, ոռոգման, տնկիների անցման աշխատանքներ: Բեկորագիայի զարգացմանն ուղղված միջոցառումներ: Գիտարտարական պրակտիկաների կազմակերպում: Բնակչության շրջանում էկոլոգիական իրազեկություն և էկոլոթություն: 1.2. Այցելուների և կազմակերպվող հանգստի ձևերի մոնիթորինգ, շրջայցերի կազմակերպում, փաթեթների կազմում, Էկոնրոտիլների նախագծում, կահավորում, շահագործում, սպասարկում, գովազդ և մարքեթինգ	1.1.1. Պահպանված և խնամված էկոհամակարգեր, բնակչության համար հանգստի կազմակերպում, Էկոդաստիարակություն, գեղազարդիչ տեսակների տնկիների արտադրություն և տարածում: 1.2.1. Զբոսաշրջիկների թվաքանակի աճ	31.12.2023թ.	177 880 700





2.	Հակահրդեհային միջոցառումներ «Արգելոցապարկային համալիր» ՊՈԱԿ-ի ենթակայության տակ գտնվող հատուկ պահպանվող տարածքներում («Ջրվեժ» անտառապարկում, «Էրբրունի» պետական արգելոցում, արգելալայրերում և դենտրոպարկերում)	Հանրայնացված կառուցում	Հողի վերին շերտի և միջին շերտի մնացորդների հետազոտում:	Համադրոցակցված պահպանության ապահովում և հարակից ներթափանցան կանխում	31.12.2023թ.	840 000
3.	«Էրբրունի» պետական արգելոցում և հարակից տարածքներում տարածված հավաքագուտ, անհետացող և ՀՀ Կարմիր գրքում գրանցված տեսակների գիտական ուսումնասիրությունների և մոնիտորինգի իրականացում, «Էրբրունի» պետական արգելոցում վայրի ցորենների 3 տեսակների մոնիթորինգի իրականացում, արգելոցային ռեժիմի պայմաններում՝ նրանց վիճակի բացահայտման համար:	Գիտական ուսումնասիրությունների և մոնիթորինգի իրականացում:	Դասական մեթոդներով դաշտային ուսումնասիրություններ արգելոցի և հարակից տարածքներում <<Կարմիր գրքում>> գրանցված 15 տեսակների վրա: Ցորենների 3 տեսակների տարածվածությունը արգելոցում և քարտեզագրում:	Տեղի ունեցող բնական երևույթների ազդեցությունների գրանցում և դրանց հայտնաբերում:	31.12.2023թ.	980 000
4.	Դենտրոպարկերում և «Ջրվեժ» անտառապարկում բնական ու ներմուծված ծառաթփառեսակների բազմազանության և Ֆլորայի հետազոտում, տեսակային կազմի տեղական և ներմուծված ծառաթփառեսակների համայնքային միջոցառումներ:	Տեսակային կազմի անբույսական ցուցակների ստեղծում և բնական վիճակում դրանց ցուցադրությունը:	Դաշտային ուսումնասիրություններ և նոր տեսակների ներմուծում ինչպես նաև դրանց բազմազան գործընթաց:	Լրամշակված ներմուծված նոր տեսակներ:	31.12.2023թ.	3 500 000
5.	«Որդան կարմիր» պետական արգելալայրի ֆլորայի և ֆաունայի ուսումնասիրություն և Որդան կարմիր միջատի միջատի հաշվառում ու մոնիթորինգ	Ֆլորայի և ֆաունայի ուսումնասիրություն և Որդան կարմիր միջատի հաշվառում ու մոնիթորինգ	Դասական մեթոդներով դաշտային ուսումնասիրություններ արգելալայրի տարածքում, միջատի հաշվառում ու մոնիթորինգ	Լրամշակված ցուցակներ, Որդան կարմիր միջատի թարմացված մոնիթորինգային տվյալներ	31.12.2023թ.	980 000
6.	«Ջերմուկի ջրաբանական» և «Հանքալանի ջրաբանական» պետական արգելալայրերի ֆլորայի ուսումնասիրությունների իրականացում և ջրհավաք ավազանի վիճակի գնահատում:	Ֆլորայի ուսումնասիրությունների իրականացում	Դասական մեթոդներով բուսական և կենդանական աշխարհի դաշտային ուսումնասիրություններ և ջրհավաք ավազանի վիճակի գնահատում:	Գույքագրված ցուցակներ	31.12.2023թ.	900 000
7	«Հիկատար» պետական արգելալայրում գիտական ուսումնասիրություններ	Սերմնային կոճրաշիկային վերականգնման առանձնահատկությունների ուսումնասիրություններ հատված ծառուտներում: Էկոհամակարգերի գնահատման ուսումնասիրություններ:	Արգելալայրում կոճրաշիկային վերականգնման և էկոհամակարգերի գնահատման ուսումնասիրություններ:	Կատարված ուսումնասիրությունների արդյունքներով արգելալայրի վիճակի բարելավում, հատված ծառերի աճի կարգավորում:	15.12.2023թ.	200 000
ԸՆԴՀԱՆՍԵՆ						185 280 700

ՊԵՏԱԿԱՆ ՄԱՐԻՆ

Շրջակա միջավայրի նախարարության
գլխավոր քարտուղար
Գ. Գուլյան
(ստորագրություն)
Կ.Տ.

ԿԱՅԱՄԱՅԻՐ ՊՈՒԹՅՈՒՆ

«Արգելոցապահային համայնքի» ՊՈԱԿ-ի
տնօրեն
Լ. Գաբրիելյան
(ստորագրություն)
Կ.Տ.



ՀՀ 2023 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները

Ծրագրի դասիչը՝	1155	Միջոցառման դասիչը՝	11006	Ցուցանիշներ			
				Առաջին եռամսյակ	Առաջին կիսամյակ	Ինն ամիս	Տարի
Միջոցառման անվանումը՝		Արգելոցապահական համայնքի ԲՀՊ տարածքների պահպանության, գիտական ուսումնասիրությունների, անտառատնտեսական աշխատանքների կատարում					
Նվարագրությունը՝		ԲՀՊ տարածքներում պահպանության, գիտական ուսումնասիրությունների, անտառատնտեսական աշխատանքների իրականացում					
Միջոցառման տեսակը՝		Ծառայությունների մատուցում					
Միջոցառումն իրականացնողի անվանումը՝		Մասնագիտացված կազմակերպություններ					
Արդյունքի չափորոշիչներ							
ԲՀՊ տարածքներում և ղենդրոպարկերում գտնվող բնական էկոհամակարգերի լանդշաֆտային և կենսաբանական բազմազանության, բնության ժառանգության պահպանվող տարածք, հա	23598.7	23598.7	23598.7	23598.7	23598.7	23598.7	23598.7
Գիտական ուսումնասիրությունների և հետազոտությունների վերաբերյալ հաշվետվությունների թիվը, հատ	1	1	1	2	2	3	4
Նախարարության կայքում հրապարակված գիտական ուսումնասիրությունների և հետազոտությունների վերաբերյալ հաշվետվությունների թիվը, հատ	1	1	1	2	2	3	4
Գիտաճանաչողական, գիտաարտադրական պրակտիկաների, էկոլոգիական և հասարակության իրազեկման մակարդակի բարձրացման ուղղված միջոցառումների թիվը, հատ	2	2	2	4	4	6	8
Էկոլոգիական կրթությանն ուղղված միջոցառումների թիվը, հատ	20	20	20	45	45	70	100
Ռեկրեացիայի զարգացմանն ուղղված միջոցառումների թիվը, հատ	0	0	0	1	1	3	3
Դրամաշնորհային պայմանագրով նախատեսված միջոցառումների կատարման մակարդակը, տոկոս	0	0	0	0	0	0	100
Հակահրդեհային միջոցառումներ, հատ	0	0	0	1	1	2	2
Տնկարանային տնտեսության վարում, հա	0	0	0	3	3	3	3.2
Տնկարանային տնտեսության տնկիների և սերմնաբուսասանների կաջողականությունը, տոկոս	0	0	0	0	0	0	70
Միջոցառման վրա կատարվող ծախսը (հազար դրամ)	37 056.1	83 376.3	129 696.5	185 280.7			

Հավելված N°3
« 16 » « 01 » 2023թ. կնքված,
N° ՇՄՆ-ԴԵ-23/05 պայմանագրի

ԿԱԶՄԱԿԵՐՊՈՒԹՅՈՒՆ

«Արգելոցապարկային համալիր» ՊՈԱԿ

Կոտայքի մարզ, գ. Զրվեժ

ՖՆ գործառնական վարչություն

ՀՀ 900018002965

ՀՎՀՀ 00804807

ՊԵՏԱԿԱՆ ՄԱՐՄԻՆ

Շրջակա միջավայրի նախարարություն

թ. Երևան, Կառավարական 3-րդ շենք

ՖՆ գործառնական վարչություն

ՀՀ 900011007805

ՀՎՀՀ 02507198

ԱՐՁԱՆԱԳՐՈՒԹՅՈՒՆ N°

ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ ՀԱՆՁՆԱՆ-ԸՆԴՈՒՆՄԱՆ

« _____ » « _____ » 2023թ.

Պայմանագրի /այտուհետ/ Պայմանագիր/ անվանումը՝ Պեպրության կողմից դրամաշնորհի ձևով տրամադրվող ֆինանսական աջակցության գումարների Պայմանագրի կնքման ամսաթիվը՝ « 16 » « 01 » 2023թ. օգրագործման մասին պայմանագիր

Պայմանագրի համարը՝ ՇՄՆ-ԴԵ-23/05

Պետական մարմինը՝ ի դեմս գլխավոր քարտուղար Գ. Գուլյանի և Կազմակերպությունը՝ ի դեմս «Արգելոցապարկային համալիր» ՊՈԱԿ-ի տնօրեն Լ. Գաբրիելյանի, կազմեցին սույն արձանագրությունը հետևյալի մասին.

Պայմանագրի շրջանակներում Կազմակերպությունը « _____ » 2023 թվականից մինչև « _____ » 2023 թվականը ընկած ժամանակահատվածում իրականացրել է հետևյալ միջոցառումները.

N°	անվանումը	համառոտ բովանդակությունը	Իրականացված միջոցառման ակնկալվող արդյունքները և դրանց գնահատման չափանիշները		քանակական կամ արդյունքային ցուցանիշները		Վճարման ենթակա գումարը (հազար դրամ)
			ըստ պայմանագրի	փաստացի	ըստ պայմանագրի	փաստացի	

ՀԱՆՁՆԵՑ

ստորագրություն

ազգանուն, անուն

Կ.Տ.

ԸՆԴՈՒՆԵՑ

ստորագրություն

ազգանուն, անուն

Կ.Տ.